

Skýrsla stjórnar Hundaræktarfélags Íslands

starfsárið 2012–2013

Lesin upp á aðalfundi félagsins 29. maí 2013

Hér verður gerð grein fyrir margþættri starfsemi félagsins og þeim erindum sem stjórn hefur fjallað um á starfsárinu.

Aðalfundur 2012, stjórnar- og fulltrúaráðsfundir

Aðalfundur Hundaræktarfélags Íslands var haldinn á Grand hóteli í Reykjavík þann 23. maí 2012. Mættir voru 89 félagsmenn í Reykjavík og 11 á Akureyri. Alls fengu 100 félagsmenn afhent kjörgögn.

Ólafur E. Jóhannsson og Delia Howser voru kjörin í stjórn og Guðmundur A. Guðmundsson í varastjórn. Stjórn er þannig skipuð:

Jóna Th. Viðarsdóttir, formaður

Björn Ólafsson, varaformaður

Delia Howser gjaldkeri

Ólafur E. Jóhannsson

Anna María Flygenring

Auður Sif Sigurgeirsdóttir og Guðmundur A. Guðmundsson í varastjórn

Stjórn hefur komið saman til fundar 13 sinnum á starfsárinu.

Tveir fulltrúaráðsfundir voru haldnir á starfsárinu, 31. október 2012 og 10. apríl 2013.

Skrifstofa

Húsnæði félagsins er notað til ársfunda og almennra funda deilda, fulltrúaráðsfunda, fyrirlestra og bóklegrar kennslu í Hundaskólanum. Valgerður Júlíusdóttir lét af störfum sem framkvæmdastjóri HRFÍ í árslok 2012. Fríður Esther Pétursdóttir var ráðin framkvæmdastjóri í hennar stað 1. janúar 2013. Þrír starfsmenn eru á skrifstofu, þær Fríður Esther Pétursdóttir, framkvæmdastjóri, Klara Á. Símonardóttir og Kristlaug Elín Gunnlaugsdóttir, sem kom aftur til starfa í apríl síðastliðinn eftir barnsburðarleyfi.

Opnunartíma skrifstofu var breytt 10. apríl síðastliðinn og er nú opið virka daga frá kl.10:00 til 15:00.

Haustið 2012 unnu nemendur á námskeiðinu Gæðastjórnun á Verkfræði- og náttúruvísindasviði H.Í. gæðahandbók fyrir HRFÍ. Gæðahandbókin endurspeglar skuldbindingu HRFÍ til þess að viðhalda réttum gæðum og góðri þjónustu í því umhverfi sem félagið starfar. Tilgangur innleiðingar gæðastjórnunarkerfis samkvæmt ISO 9000 staðlinum er að bæta starfssemi HRFÍ þannig að félagið veiti góða þjónustu og uppfylli kröfur félagsmanna og auki traust þeirra á félaginu. Gæðastjórnunarkerfið er fyrir félagið, starfsfólk, stjórn og félagsmenn. Stefnan er að innleiða gæðastjórnunarkerfi í starfsemi félagsins. Bæði stjórn HRFÍ og nýr framkvæmdastjóri ætla að kynna sér málið betur til þess að það geti orðið.

Skráningar

Almennt er lítil breyting í skráningum í margþættri starfssemi félagsins milli ára. Ættbókarskráning hefur dregist saman um rúm 4% á milli ára og fjöldi gota um rúm 4%. Um 7% færri niðurstöður bárust úr mjaðma- og olnbogamyndum á milli ára. Augnskoðun hunda hefur dregist saman um tæp 10% og innfluttum hundum hefur fækkað um rúm 15%. FCI samþykkti 35 ræktunarnöfn á starfsárinu sem er tæplega 13% færri en árið á undan. Skráning á hundasýningar HRFÍ jókst tæplega um 1%. Aðeins ein deildarsýning var haldin á árinu 2012.

	2012	2011	frávik	%
Hvolpar	1147	1085	62	5,7
Got	255	245	10	4,1
Meistarastigssýningar (allar teg.)	1	1	0	0,0
Alþjóðlegar sýningar (allar teg.)	3	3	0	0,0
Deildarsýningar	1	11	-10	-90,9
Félagsmenn	2118	2235	-117	-5,2
Deildir	30	29	1	3,4
Skráðir hundar á árinu	1203	1155	48	4,2
Skráðir hundar alls frá upphafi ca	16463	15260	1203	7,9
Augnskoðaðir hundar	590	655	-65	-9,9
Sýndir hundar (allar sýn.)	2939	3640	-701	-19,3
Sýndir hundar (all breed sýningar)	2874	2850	24	0,8
Sýndir hundar (deildarsýningar)	65	790	-725	-91,8
Nýjar tegundir á árinu	2	1	1	100,0
Innfluttir hundar	56	66	-10	-15,2
HD (alls)	143	139	4	2,9
AD (alls)	66	73	-7	-9,6
HD (sent í gegnum HRFÍ)	80	131	-51	-38,9
AD (sent í gegnum HRFÍ)	46	66	-20	-30,3
Ræktunarnöfn	35	40	-5	-12,5
Vinnupróf & skapgerðarmat	76	85	-9	-10,6
Veðiþróf teg.hópur 7 & 8	409	235	174	74,0

Augnskoðanir

Fjórar augnskoðanir voru á starfsárinu, allar í Reykjavík og ein samtímis í mars á Akureyri. Um 620 hundar voru skoðaðir. Dönsku dýralæknarnir, Finn Boserup, Jens Knudsen og Susanna Mclgaard Kaarsholm, sáu um augnskoðanir fyrir félagið. Ný augnvottorð voru tekin í gagnið í augnskoðuninni í nóvember.

Sámur

Útgáfumánuðir Sáms eru í apríl, ágúst og um mánaðamótin nóvember/desember. Auður Sif Sigurgeirsdóttir er ritstjóri Sáms og sér jafnframt um að prófarkalesa blaðið. Í sparnaðarskyni var broti Sáms breytt á síðasta ári. Blaðið var minnkað án þess það komi niður á innihaldi og gæðum.

Hundaskólinn

Hundaskólinn hefur haldið námskeið í bílageymslu í Firði í Hafnarfirði, í Keflavík og í ýmsum reiðskemmmum á stór-Reykjavíkursvæðinu. Einnig hefur kennsla farið fram utanhúss yfir sumartímann. Skólinn býður upp á hvolpa-, grunn- og hlýðninámskeið fyrir allar tegundir hunda, einnig er boðið upp á hundafimi. Kennarar Hundaskólans eru sem fyrr þær Valgerður Júlíusdóttir og Sigríður Bílddal. Anna Birna Björnsdóttir kennir á hundafiminámskeiðum.

Skapgerðarmat

Í febrúar 2011 felldi stjórn HRFÍ niður kröfur um skapgerðarmat hjá þeim tegundum þar sem þess er krafist vegna ónógs framboðs af skapgerðamötum. Samkvæmt ársskýrslu stýrihóps um skapgerðarmat var skapgerðarmat haldið þrisvar á starfsárinu; í maí, júní og september. Alls fóru 17 hundar í skapgerðarmat.

Vinnu- og veiðipróf

Samkvæmt ársskýrslu Vinnuhundadeildar voru haldin fimm próf í bronsmerki í hlýðni, þrjú próf í hlýðni I, tvö próf í spori 1, tvö próf í spori 2 og tvö próf í spori 3.

Samkvæmt ársskýrslu Fuglahundadeildar voru haldin átta veiðipróf á vegum deildarinnar á starfsárinu, þar af eitt sækipróf. 140 skráningar voru í þessi próf.

Samkvæmt ársskýrslu Vorstehdeildar voru haldin tvö veiðipróf á vegum deildarinnar á starfsárinu. 74 skráningar voru í þessi tvö próf.

Írsk setterdeild hélt eitt veiðipróf á starfsárinu. 32 skráningar voru í prófið.

Samkvæmt ársskýrslu Retrieverdeildar voru haldin ellefu veiðipróf á vegum deildarinnar á starfsárinu. Voru 156 retrieverhundar skráðir í þessi próf eða 46 hundar (45 labrador retriever og 1 golden retriever).

Smalaeðlispróf var haldið að Skála í Grímsnesi síðastliðið haust, einn border collie og tveir australian shepherd tóku prófið. Náðu þeir allir prófi og sýndu mjög gott eðli.

Úrslitum og niðurstöðum úr vinnu- og veiðiprófum eru gerð góð skil á vefsíðum viðkomandi deilda. Endurskoðaðar veiðiprófsreglur fyrir tegundahóp 7 voru samþykktar á stjórnarfundum þann 20. maí 2013. Stjórn HRFÍ samþykkti í apríl síðastliðnum breytingar á vinnuprófareglum HRFÍ til samræmis við núgildandi vinnuprófareglur NKK.

Sýningar

Fimm sýningar voru haldnar á vegum HRFÍ á starfsárinu:

- Meistarasýning HRFÍ 2.-3. júní 2012. 689 hundar af 75 tegundum voru skráðir auk 27 ungra sýnenda.
- Alþjóðleg sýning HRFÍ 25.-26. ágúst 2012. 719 hundar af 83 tegundum voru skráðir auk 25 ungra sýnenda.
- Alþjóðleg sýning 17.-18. nóvember 2012. 785 hundar af 80 tegundum voru skráðir auk 32 ungra sýnenda.
- Alþjóðleg sýning 23.-24. febrúar 2013. 806 hundar af 79 tegundum voru skráðir auk 26 ungra sýnenda.
- Reykjavík Winner meistarasýning 25.-26. maí 2013. 718 hundar af 80 tegundum voru skráðir auk 25 ungra sýnenda.

Ágætis umfjöllun var um nóvembersýninguna í fjölmiðlum. Viðtal var við framkvæmdastjóra og fleiri hjá RÚV.

Samtals eru skráningar á þessar fimm sýningar 3.717 og 135 skráningar í keppni ungra sýnenda.

Á síðustu sýningu ársins voru heiðraðir afreks- og þjónustuhundar, stíghæsti hundur og öldungur ársins. Þjónustuhundur ársins var belgíski fjárhundurinn (malinois), Freyja (Lindjax Cilla, IS09950/06). Freyja sem er sjö ára var gjöf frá lögreglunni í Gautaborg til stjórnanda og eiganda hennar, Höskuldar Birkis Erlingssonar, lögregluvarðstjóra á Blönduósi. Hún var þjálfuð hjá norsku tollgæslunni í eitt ár áður en hún kom til landsins árið 2006. Afreks hundar ársins 2012 voru hundavinir Rauða krossins á Íslandi. Rauði krossinn á Íslandi hefur síðustu 12 ár lagt áherslu á verkefni sem nefnt er Heimsóknavinir og frá árinu 2006 hafa hundar tekið þátt í verkefninu. Eru sjálfboðaliðar með hunda kallaðir Hundavinir og hefur þeim farið jafnt og þétt fjölgandi, bæði á höfuðborgarsvæðinu og á landsbyggðinni.

Stíghæsti hundur ársins var C.I.B. ISCh Kudos Gagarin af tegundinni miniature poodle. Ræktendur hans eru Ruby Lindeman og Mikael Nilsson frá Svíþjóð og eigandi er Ásta María Guðbergsdóttir. Stíghæsti öldungur ársins er einnig í eigu Ástu Maríu Guðbergsdóttur, papillon hundurinn, C.I.B. ISCh Aspevalls Simon.

Úrslit sýninga HRFÍ eru birt á vefsíðu HRFÍ og jafnframt gerð góð skil í Sámi.

Deildarsýningar

Cavalier king charles spanieldeild, Schnauzerdeild og Fjár- og hjarðhundadeild hafa haldið sýningar á þessu starfsári samkvæmt breyttum starfsreglum ræktunardeilda, V. kafla, um deildarsýningar sem samþykktar voru 19. september síðastliðinn.

Unglingadeild

Stigahæstu ungu sýnendur ársins voru í eldri flokki: 1. sæti Brynja Kristín Magnúsdóttir, 2. sæti Erna Sigríður Ómarsdóttir, 3-4. sæti Theodóra Róbertsdóttir, 3-4. sæti Elísabet Ásta Guðjónsdóttir. Brynja Kristín keppti fyrir hönd HRFÍ á Crufts í mars síðastliðinn og var valin í 10 manna úrslit. Erna Sigríður Ómarsdóttir keppti á heimssýningunni í Búdapest í Ungverjalandi, 16.-19. maí 2013. Theodóra Róbertsdóttir keppti á Evrópusýningunni, sem haldin verður í Sviss, dagana 30. ágúst–1. september 2013. Allar þessar fjórar stúlkur kepptu fyrir hönd HRFÍ á Nordic Winner Show í Herning í Danmörku 3.-4. nóvember síðastliðinn. Þær lentu í 2. sæti í liðakeppninni sem er frábær árangur. Þær stóðu sig vel að venju og voru félaginu til mikils sóma. Starfi Unglingadeildar er gerð góð skil á vefsíðu Unglingadeildar. Aðalstyrktaraðili Unglingadeildar er Dýrheimar sem hefur stutt vel við starf þeirra í mörg ár.

Sólheimakot

Árið 2002 var gerður leigusamningur til þriggja ára við bæjaryfirvöld í Mosfellsbæ um Sólheimkot. Samningur framlengist sjálfskrafa um eitt ár í senn sé honum ekki sagt upp fyrir 1. október. Á stjórnarfundum 19. september 2012 voru málefni Sólheimakots sett á dagskrá stjórnarfundar. Bæði var að fyrir lá kvörtun frá félagsmanni um slæma umgengni í húsnæðinu og einnig til athugunar hvort segja ætti leigusamningi upp. Kom fram að kostnaður við rekstur kotsins fyrir árið 2012 væri um 550.000 kr. Frá 1. janúar til 31. október 2012 voru það einungis ræktunardeildir úr tegundahópum 7 og 8 auk skapgerðarmatshóps sem notfærðu sér aðstöðuna í Sólheimakoti. Stjórn ákvað að leita til deilda í fyrrnefndum tegundahópum eftir tillögu að úrlausn frekar en að segja upp leigusamningi. Stjórn og fulltrúar frá þessum ræktunardeildum funduðu 21. september síðastliðinn. Tillaga kom frá þessum deildum um að stjórn gerði samning við Sólheimakotsnefnd Hundaræktarfélags Íslands sem stofnuð var með kennitölu 4. janúar 2013. Meirihluti stjórnar samþykkti þennan samning. Meirihluti stjórnar samþykkti jafnframt árlegt framlag, 400.000 kr., til Sólheimakotsnefndar vegna reksturs hússins. Leitað var álits leigusala bæjaryfirvalda í Mosfellsbæ á þessum samningi og samþykkti leigusali hann ekki. Sem stendur er því rekstur Sólheimakots óbreyttur frá því sem áður var.

Erlent samstarf

HRFÍ var með kynningarbás á Nordic Winner Show í Herning í Danmörku 3.-4. nóvember 2012 ásamt öllum NKU hundaræktarfélagunum á svokölluðu Norðurlandatorgi. Vel tókst til og komu margir á kynningarbás félagsins. Settur var upp bogaveggur félagsins og myndskaið af íslenska fjárhundinum sýnt sem vakti mikla athygli og ánægju gesta sem komu við á Norðurlandatorginu. Valgerður Júlíusdóttir, þáverandi framkvæmdastjóri og Jóna Th. Viðarsdóttir voru á kynningarbás félagsins.

Fundur um samræmingu á BSI (Breed Specific Instructions) varðandi ýkt útlit á hundum var haldinn í Helsinki 27. júní 2012 með fulltrúum allra NKU hundaræktarfélaganna. Á fundinum var unnin tillaga sem var lögð fyrir næsta NKU fund til samþykktar. SKK gaf HRFÍ þrjá DVD diska á sænsku um hunda með öndunarvandamál vegna ýkts útlits. Í myndinni er farið yfir þá þætti sem hafa áhrif á öndun hunda og dómara þurfa að vera meðvitaðir um þegar þeir dæma á hundasýningum. SKK hefur sent diskana á öll NKU hundaræktarfélögin, alla klúbba innan SKK og til dómara, sem dæma hjá SKK, þeim til leiðsagnar í þessu átaki.

Ekki var sendur fulltrúi á NKU fund í Helsinki í lok september 2012.

Formaður fór á NKU fund 5. febrúar 2013 í Stokkhólmi og FCI aðalfund í Búdapest 13.–14. maí 2013.

Næsti NKU fundur verður í Reykjavík 8. október 2013.

Uppskeruhátíð HRFÍ

Vel heppnuð uppskeruhátíð HRFÍ var haldin 4. janúar 2013 í félagsheimili Fáks. Stigahæstu ræktendur HRFÍ árið 2012 voru heiðraðir:

1. sæti: Hálsakotsræktun - Ásta María Guðbergisdóttir með 45 stig
2. sæti: Heimsendaræktun - Lára Birgisdóttir/Björn Ólafsson með 44 stig
3. sæti: Miðnæturæktun - Stefán Arnarson með 37 stig

Stigahæsti ræktandinn fékk afhentan farandbikar sem HRFÍ gaf til varðveislu næsta árið. Þessir stigahæstu ræktendur fengu til eignar viðurkenningarskjöld frá HRFÍ og blómvönd frá Garðheimum. Eitt hundrað félagar keyptu miða á hátíðina og nokkrir létu sjá sig eftir matinn. Björn Ólafsson, stjórnarmaður og eiginkona hans, Lára Birgisdóttir, sáu um veitingarnar og skreytingu á hlaðborði. Stjórnarmenn HRFÍ sáu um aðra skipulagningu. Lifandi tónlist var flutt af Hirti Howser undir matnum og fram eftir kvöldi en þá tók við diskótek. Hapdrættismiðasala gekk vel enda flottir vinningar í boði.

Baráttumál

Ný hundasamþykkt tók gildi í Reykjavík 16. maí 2012.

Í nýútkomnum Sámi 1. tbl. 2013 er grein eftir Guðrúnu Margræti Baldursdóttur, lögfræðing og hund eiganda, þar sem hún ber saman nýja hundasamþykkt við þá næstu á undan og fjallar um helstu breytingar. Í þessu sama tölublaði Sáms er að finna áhugaverða grein eftir Þorstein Kristinsson hundaræktanda. Bendir Þorsteinn meðal annars á að ekki þurfi að fara langt út fyrir höfuðborgina til að lenda í sveitarfélögum sem takmarka eða banna hundahald.

Árný Sigurðardóttir, framkvæmdastjóri Heilbrigðiseftirlits Reykjavíkur, mætti á fulltrúaráðsfund þann 31. október 2012. Árný sagði að hennar svið tæki yfir heilbrigðismál Reykjavíkurborgar því það væri þeirra umdæmi. Hún fór yfir skráningar á hundum en árið 2000 voru 1351 hundur skráður í Reykjavík og árið 2012 voru 2500 skráðir. Talsverð aukning hefur orðið og hafa skráningar farið hægt og sígandi upp nema í hrúninu en þá varð mjög mikil aukning. Árið 2006 bárust 570 kvartanir í Reykjavík og í hrúninu þá fækkaði þeim. Árný sagði kvartanir vera um 500 núna og snúast um margvísleg mál, fjöldinn ætti ekkert við um umfangið. Heilbrigðiseftirlitið framfylgir gildandi hundasamþykkt. Í nýju hundasamþykktinni voru hertar reglur varðandi hættulegar hundategundir, það er fleiri tegundir eru nú bannaðar en Laugavegsbannið er ekki lengur í gildi. Algengustu kvartanirnar koma úr fjölbýlishúsum. Þar er helst kvartað yfir ónæði, gelti, undan hundum sem eru lengi einir heima eða of lengi í bílum. Einnig er mikið kvartað yfir hundaskít. Eftir að lögum um fjöleignahús var breytt varð margt mjög flókið í útfærslu. Árný sagði erfitt að ná til þeirra sem hefðu einbeittan brotavilja á hundasamþykktinni. Hún sagði það kosta um 30 milljónir á ári að reka heilbrigðiseftirlitið.

Hundaræktarfélagið fagnar því að Reykjavíkurborg hefur að ósk íbúa sett upp þrjú ný hundagerði í Reykjavík. Gerðin eru í neðra Breiðholti, í Laugardal og við Vatnsmýrarveg. Nánari upplýsingar er að finna á vef Reykjavíkurborgar.

Dýravelferð

Stjórn las yfir nýjar tillögur um dýravelferð og skilaði umsögn um nýtt frumvarp til laga um dýravelferð. Hundaræktarfélag Íslands mat það mikils að fá tillögurnar til umsagnar og fagnar að búið er að endurskoða dýraverndunarlögin nr. 15/1994.

Að beiðni Atvinnuvega- og nýsköpunarráðuneytis hefur stjórn HRFÍ tilnefnt tvo fulltrúa HRFÍ í starfshóp vegna vinnu við nýja reglugerð um velferð gæludýra. Þetta eru þau Guðmundur A. Guðmundsson og til vara Herdís Hallmarsdóttir.

Málþing var um nýsamþykkt lög um dýravelferð fimmtudaginn 16. maí. Framkvæmdastjóri HRFÍ, Fríður Esther Pétursdóttir og Delia Howser, stjórnarmaður sóttu málþingið fyrir hönd HRFÍ.

Gæludýravegabréf – Pet passport

Þann 17. september 2012 var haldinn fundur í Alþingishúsinu að ósk alþingismannanna Helga Hjörvars, Magnúsar Orra Schram og Ólínu Þorvarðardóttur með fulltrúum frá HRFÍ.

Mættir voru frá HRFÍ: Stjórnarmennirnir Björn Ólafsson, Delia Howser og Ólafur E. Jóhannsson.

Varamennirnir Auður Sif Sigurgeirsdóttir og Guðmundur A. Guðmundsson. Einnig mættu þær Elsa Soffía Jónsdóttir, Guðrún Jónsdóttir og María Tómasdóttir úr einangrunarteyminu.

Áður nefndir þingmenn fluttu árið 2011 frumvarp um svokallað gæludýravegabréf (Pet passport).

Tilgangur fundarins var að óska eftir stuðningi HRFÍ við þetta mál. Hugmyndin var að endurflytja málið á síðasta þingi. Á fundinum komu fram ábendingar um að rétt væri að endurflytja málið með þverpólitískum stuðningi, það er að flutningsmenn yrðu úr öllum stjórn málaflökkum á Alþingi. Bent var á að skynsamlegt væri að einskorða innflutning við hunda og ketti en ekki gæludýr almennt. Einnig var á það bent að skynsamlegt kynni að vera að takmarka innflutning við lönd sem eru laus við hundaæði, sem sagt Stóra Bretland, Írland, Svíþjóð og Noreg. Bent var á að samkvæmt samningsmarkmiðum íslenskra stjórnvalda í landbúnaðarmálum er óskað eftir undanþágu frá gæludýravegabréfi (Pet passport) sem er hluti af regluverki Evrópusambandsins.

Á fulltrúaráðsfundi 31. október 2012 kynnti Magnús Orri Schram, þingmaður, frumvarp um gæludýravegabréf. Kom fram að tvívegis er búið að leggja fram frumvarp um breytingar á reglum um innflutning á gæludýrum. Málið var lagt fram í þriðja skipti í síðastliðið haust. Magnús Orri kynnti þingmennina sem vinna málið með honum en það eru þau Ólína Þorvarðardóttir og Helgi Hjörvar. Magnús Orri sagði að því miður hefði þetta mál ekki náð eyrum annarra þingmanna og sagði þá ekki hafa verið nægilega vel upplýsta um málið. Helsta andstaðan væru bændur, hestamenn og dýralæknar. Ágætis umræða fór fram á fundinum um þetta málefni sem er flestum félagsmönnum hugleikið. Hugmynd kom fram á fundinum að boða til kynningarfundar og fá fulltrúa frá MAST til umfjöllunar um hunda sem farið hafa í eingangrun og nýtt áhættumat.

Haldinn var kynningar og fræðslufundur fyrir félagsmenn HRFÍ í Gerðubergi 11. febrúar um frumvarp um breytingu á lögum um innflutning á gæludýrum - gæludýravegabréf. Þingmaðurinn, Helgi Hjörvar, kynnti og svaraði fyrirspurnum. Sigurborg Daðadóttir, yfirdýralæknir, Þorvaldur Þórðarson, framkvæmdastjóri inn- og útflutnings og Charlotta Oddsdóttir, sérgreinadýralæknir inn- og útflutnings, öll frá MAST kynntu og svörðu fyrirspurnum um innflutning gæludýra til Íslands og gæludýrabréf í Evrópu. 55 manns mættu á fundinn og var niðurstaða fundarins að ekki væri útlit fyrir að gæludýravegabréf yrði leyft í bráð. Nauðsynlegt er að framkvæma nýtt áhættumat sem er bæði tímafrekt og dýrt, að sögn yfirdýralæknis. Má vera að hægt verði að stytta einangrun í tvær vikur, sem væri ef til vill ásættanlegur millivegur þar til

gæludýravegabréf verða leyfð. Helgi Hjörvar sagðist ætla að beita sér í þeim efnum. Helgi sagði reyndar að það væri ekki spurning um hvort heldur hvenær gæludýravegabréf yrði leyft.

Árleg Laugavegsganga HRFÍ var laugardaginn 6. október. Gengið var að venju frá Hlemmi, við undirleik Skólahljómsveitar Kópavogs, niður Laugaveg og endað í Hljómskálagarðinum. Þetta var fjölmenn gleðiganga sem, eins og alltaf, vakti mikla athygli.

Stefnumótun

Á fulltrúaráðsfundi þann 10. apríl síðastliðinn kynnti Guðmundur A. Guðmundsson, varamaður í stjórn HRFÍ, vinnu stefnumótunarteymis. Þar fór hann yfir hvernig vinna teymisins byrjaði og helstu niðurstöður. Kynnti hann jafnframt ákvörðun stjórnar að nýr stefnumótunardagur væri áætlaður þann 21. apríl með þátttöku að minnsta kosti tveggja aðila frá hverri deild. Aðeins 11 aðilar skráðu sig til þátttöku frá enn færri deildum. Ekki var talið ásættanlegt að fara í þessa vinnu með færri en 20 fulltrúum deilda. Stefnan er því sett á haustið með von um að undirtektir verði betri.

Dómaranám

- **Sýningadómarar**

Reglugerð HRFÍ um menntun sýningadómarara var samþykkt af stjórn HRFÍ 23. janúar. Sýningadómaranám HRFÍ er haldið að fyrirmynd sýningadómaranáms DKK. DKK's Show Judge Committee hefur aðstoðað félagið við framkvæmd námsins.

Sænski dómarinn Göran Bodegård hélt erindi fyrir sýningadómaranema HRFÍ eftir febrúarsýninguna um „Special Breed Specific Instructions (BSI) regarding exaggerations in pedigree dogs“.

Tvö ritara- og hringstjóranámskeið voru haldin á skrifstofu HRFÍ. Það fyrra þann 10. nóvember og það seinna 20. janúar. Þorsteinn Thorsteinson sá um kennslu á námskeiðunum með aðstoð Lilju Dóru Halldórsdóttur á því fyrra. 18 aðilar sóttu námskeiðin. Bæði Þorsteinn og Lilja Dóra eru í sýningadómaranámi HRFÍ.

Sýningadómaranefnd HRFÍ fékk senda tilkynningu frá DKK's Show Judge Committee fyrir máisýninguna þess efnis að Ásta María Guðbergdóttir hefði staðist öll próf í dómaranáminu og lagði til að stjórn HRFÍ samþykkti hana sem dómara á eftirfarandi hundakyn: Papillon, phaléne, shih tzu, chihuahua, tibetan spaniel og chinese crested. Stjórn HRFÍ fannst við hæfi að tilkynna þessi gleðitiðindi á Reykjavík Winner sýningunni 25.-26. maí og fékk Jörgen Hindse, formann DKK, til að afhenda Ástu Maríu blómvönd þar sem DKK hefur verið okkur innan handar með dómaramenntunina. Ef allt gengur vel er stutt í að fleiri sýningadómarar verði samþykktir á árinu. Samtals eru nú 18 aðilar, mislangt á veg komnir, skráðir í sýningadómaranám hjá félaginu.

- **Veiðiprófsdómarar**

Þann 3. apríl 2013 samþykkti stjórn HRFÍ erindi frá dómarararáði veiðiprófsdómara í tegundahópi 7 að Vilhjálmur Ólafsson og Henning Þór Aðalmondsson hefji nám til fuglahundadómara.

Stjórn HRFÍ samþykkti á stjórnarfundi 20. maí 2013 að útbúa nýja reglugerð um menntun veiðiprófsdómara og verklagsreglur fyrir dómaranefnd veiðiprófsdómara.

Á döfinni

- Kynningarfundur fyrir félagsmenn um ný dýraverndarlög verður haldinn í haust.
- Opið hús/spjallfundir verða á dagskrá á 4–6 vikna fresti í húsnaði HRFÍ frá og með haustinu.
- Schäferdeild, Retrieverdeild og DÍF verða með deildarsýningar og viðburði
- Fjölmörg vinnu- og veiðipróf hafa verið samþykkt og eru auglýst á vefsíðum viðkomandi deilda.
- Alþjóðlegar sýningar verða í september og nóvember og augnskoðun í nóvember samhliða sýningu.
- Árleg Laugavegsganga verður í haust.

Lokaorð

Að lokum vill stjórn Hundaræktarfélags Íslands þakka öllum félagsmönnum sem lagt hafa af mörkum ómælda sjálfboðavinnu í þágu margbættrar starfssemi félagsins.